



**PO NALOGU TUŽILAŠTVA
ZAPOČETA AKCIJA "ČARLI"**

Trgovci, špediteri i službenici UIO u lancima kriminala

D. TOVILOVIĆ

SARAJEVO - Objekti na 14 lokacija u Cazinu, Bihaću i Velikoj Kladaši su juče pretreseni, a više osoba je privedeno zbog sumnje da su se bavili nezakonitim uvozom polovnih automobila i dijelova u BiH,

čime je oštećen budžet zemlje, ali i svi građani BiH.

Pripadnici **SIPA** BiH u saradnji s inspektorima Uprave za indirektno oporezivanje BiH, a po nalogu Tužilaštva BiH, započeli su juče ujutro akciju "Čarli", s ciljem razbijanja lanca organizovanog kriminala u kojem su



se, pored preprodavaca automobila, našli i špediteri, kao i dvoje zaposlenih u Upravi za indirektno oporezivanje BiH. Samo u Velikoj Kladaši u skladištu na

jednom auto-otpadu pronađena je roba vrijedna 500.000 KM, a koja je bila namijenjena za crno tržište u BiH. Kako je saopšteno iz Tužilaštva BiH, sumnja se da

organizovana grupa već duže vrijeme nezakonito uvozi automobile, prilikom čega se više utaje PDV-a i drugih dažbina. Takođe, kako dodaju, dokumentacija se krivotvori, a vrši se i nezakonito skladištenje.

**U SKLADIŠTU U
VELIKOJ KLADUŠI
PRONAĐENA ROBA
VRIJEDNA 500.000 KM**

"Meta aktivnosti je ukupno sedam pravnih i fizičkih osoba. Osumnjičeni će biti privedeni, te će nakon konsultacija policije i postupajućeg tužitelja biti donesena odluka o daljnjim akti-

vnostima prema osumnjičeni-ma", poručeno je juče iz Tužilaštva BiH.

Kako je saopšteno iz UIO, sumnja se da je u carinskim postupcima umanjivana vrijednost vozila koja je predstavljala osnovicu za naplatu uvoznih dažbina, te su tako naplaćene manje uvozne dažbine od zakonski predviđenih. Osim umanjivanja vrijednosti prilikom uvoznog carinjenja sumnja se da su određena lica privremeno uvozila automobile iz inostranstva na stranim tablicama, zatim ih ostavljala na auto-otpadu, skidala strane tablice i odjavljivala u inostranstvu, dok su se ista prodavala u dijelovima na crnom tržištu u BiH.